



# SIUMUT

## INATSISARTUNI ILAASORTAATITAT / LANDSTINGSGRUPPEN

12. august 2011

UKA 2011/18

25. januar 2011

UPA 2011/21

13. august 2010

UKA 2010/53

Inatsisartut suleriaasianni § 32 naapertorlugu aalajangiiffigisassatut siunnersuut imattoq matumuuna saqqummiupparput:

**Inimik attartornermi peqqusummut atuuttumut allannguutissaannik kingusinnerpaamik 2010-mi upernaakkut Inatsisartut ataatsimiinneranni Naalakkersuisut saqqummeeqquillugit Inatsisartut aalajangiiffigisassaattut siunnersuut, tamatuma kingorna qaammammut ineqarnermut akiliutaasartunut ineqarnermut meeqlanit tapiissuteqartoqartassaaq meeqlanit ataatsimut 18-it inorlugit ukiulimmut angerlarsimaffimmi najugalimmut 7,5 %-imik ineqarnermi qaammammut akiliutinut ilanngaataasartumik, taamaattorli meeqlanit amerlanerpaamik arfiniliussallutik.**

(Siumup Inatsisartuni ilaasortaatitai)

### Tunngavilersuut:

Ilaqtariit tamarmik inuiaqatigiinni qitiupput. Ilaqtariit aamma aningaasaqarniarnikkut pitsasumik tunngavissinneqartariaqarput meeqlanit inuunerminni aallartilluarsinnaaqquillugit, tamannalu piviusunngortinneqartariaqarpoq Inatsisartut, Naalakkersuisut, kommunit, kattuffiit, angajoqqaat susassaqartullu tamaasa suleqatigiissillugit.

Ilaqtariit meerartallit atugarisaasa pitsaanerulersinnissaat siunertaralugu Siumut ilungersuuteqartuarpoq. Siumumiit anguniarparput ilaqtariit meerartallit aningaasartutikillisaaviginissaat, taamaammat Inissianik attartortitsisarneq pillugu Inatsisartut peqqussutaata nr. 2, 12. maj 2005-imeersup kapitali 4-aanni § 28-imut immikkoortutut nutaatut ilanngunneqartussamik maannakkut saqqummiussivugut, imatullu naleqqussarneqarsinnaasumik oqaasertalerneqarnissaa siunnersuutigalutigu;

*"Imm.xx Attartortumut qaammammut akiliutissat akiligassanngortinneqarnerini meeqlanit 18-it inorlugit ukiulinnut angerlarsimaffimmi najugaqartumut, inuit allattorsimaffianni nalunaarsorsimasunik qitornalimmut akiliutissanut tapiissuteqartoqartassaaq, attartortup imm. 1 naapertorlugu akiliutai appartinneqassapput. Meeqlanit ataatsimut, amerlanerpaamilli meeqlanit arfinilinnut attartortup § 28, imm. 1, 2 imaluunniit 3 naapertorlugu qaammammut akiliutai, akiliutit 7,5 procentinik appartinneqassapput.*

*Imm.xx. Attartortoq pisussaavoq meeraq akiliutinut appaanermut tunngaviusoq angerlarsimaffimmi najugaqartutut inuit allattorsimaffianni nalunaarsorsimajunnaarpas tamanna attartortitsisunut nalunaarutigissallugu".*

Ilanngullugu siunnersuutigaarput taamatut aaqqiinermut Namminersorlutik oqartussaniit aningaasartuutaanerusussat ineqarnermut tapiissuteqartarnermi aningaasaliissutaasartut naleqqussaavagineqarnerisigut aningaasalersorneqassasut.

Taamatut oqaaseqarluta siunnersuutip tamanit ilassilluarneqarnissaa neriuutigaarput.